

الرشاد

سری ۱۳۳۰

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۴۳ - ۲۲۵ ۲۳ محرم ۱۳۳۱ پنجشنبه ۲۰ کانون اول ۱۳۲۸ جلد ۲ - ۹

وقعه‌لری و آرنایودولقد عناصر اسلامیه یاپیش اولان وحشتلر، استقباله عموم اهل ایمان حقنده روا کوریلجک قان دریالینک اوفاجق نمونه‌لریدر.

شو حاللری تمایله نظراعتباردن کچردکن صوکره بزه ایکی ییل قالور: بری یهودی مسلکینه سلوک ایده‌رک هر ذلتی اختیار وهر نه دیرلرسه (ای والله) دیه‌رک اطاعت ایتک، دیکری‌ده تاریخ صحیفه- لرنده آلتونلر ایله قید و ضبط اولنه‌جق بر اثر براقق نیتله میدان آتلق. لیکن بو صورتده عازم، فکرنده مستقل، لاف آکلارمز، سوز دیکله‌مز، اجنبی لسانی بیلمز، بن، بنم دیه‌جک بر رهبره احتیاج‌مز وار.

ایشته شو آدم اورتایه چیقمالی. عموم امت محمد آرقاسنده لیک دیر، حاضر اولور. ناموس‌مز دأره‌سند مردانه‌تولک ابدی بر حیاتدر. اون سنه صوکره اولمک ایله اون سنه اول اولمک آراسنده فرق پک آزدور. هر نوع اصلاحات وعد ایده‌رک صاحی اختیار ایتک، اون سنه صوکره تولومی، شیمیدین قبول ایتک دیمکدر. مؤمن موحد اولان بر دیپلوماتک، بر قوماندانک صوک سوزی بودر: (الله اکبر) ای مؤمنلر! ناموس دأره‌سند ابدی حیاتی اختیار ایده‌م. ای «لااله الاالله» دینلر! الله و اعلاى کلمة الله اوغورنده ایلری والسلام.

عبدالرشید ابراهیم

مکاتیب

هندستانه خابر مختصر صمزدور:

هند یولنده

۱۸

عقبانده صیبات اسلامیه

بالقان حکومتلریله دولت علیه آره‌سند حصوله کلن محاربه عادتانصرانیته اسلامیتک بر بریلر چارپیشیق ایستدکارینی آچیقندن آغیغه کوستریبور. بونی بیلیمیان، آکلیمیان هان قالمادور. بالقان شبه جزیره‌سند غولنان آتشک نه صورتله انطفا پذیر اوله‌جغنی هیچ کیمسه بیلیمور. بونی بیلیماکله برابر ایشک نتیجه‌سند هان بوتون مسلمانلر انتظار اییدیورلر.

محاربه باشلانغجنده کی مظفریتلرک مرده‌سی جلای شادان و مسرورایتیکی حالده، صوک خبرلر هر کسی دلخون ایشدور. هله هندستاندن بورایه منعکس اولان (رویتر) آژانسیله هند غزته‌لرینک مندرجاتنه باقیلیرسه، بوتون روم ایلی ولایات عثمانیه‌سنک بالقان عساکری طرفندن استیلا اولندیغنی افهام ایتکده‌در. صربستان اردوسیله عساکر عثمانیه بیننده وقوع بولان بر مصا- دمده بزم آلتی بیک تلفات ویرمیش اولدیغیزی مذکور غزته‌لرله آژانس نشر ایتشلردور. بوکی فنا خبرلرک نیم متمدن و بادیه نشین اولانلر اوزرینه نه قدر سوء تأثیر حاصل ایلدیکنی تعریف ایتکی زائد کوریبورم.

فقط برکت ویرسونکه اهالی‌نک نجات فطریه و اخلاقیه‌لریله دولته اولان صداقت و ارتباطلری سوء تفهم حصوله میدان براقیور. اشراف و اعیان محلیه‌نک سلامقلرنده - که هر بری آبروجه بویوک بر مجمع تشکیل اییدیور -

سنه‌در هان هپ بر آغزندن باغیر یور، سویله‌یورز. کویا استبداد دورنده مهادیا «دیدی قودیچی» لق صنعتی تحصیل ایله اوغراشمیش.

نه کوزل بویورولمش: «علامه اعراض الله عن عبده اشتغاله بما لایعنیه - اللهک کندندن یوز چویردیکنه علامت؛ قولک هیچ بر ایشه یارامایان شیلرله، «دیدی قودیچی» لقله اوغراشماسیدر. «حقک بزدن یوز چویردیکنه باشقه دلیل آرایورسوق اوده وار، اونیه‌ده کوستردی؛ هم کوزمزه صوقه، صوقه...»

عبداللطیف نوزاد

حرب می، صلح می؟

بویله برسوال اورتایه آتیلدینی زمان، عموم عثمانلی وبالخاصه مسلمانلر طرفندن ویریلجک جواب: (براقلیت ناقصه استثنای اولنورسه) حرب‌در. فی الحقیقه اعدامزک لوندره صلح مذاکره‌سند وقت قزاقق ایچون بر خدعه اوله‌رق طالب اولدقلرینی بیلیمز درجه‌ده غافل دکاز، اعدامز اووقتی قزاقق ایشه بزه قزاقق، هیچ فرقی یوقدر، بلکه بزم ایچون ده‌ها زیاده منفعتدار اوله‌بیلور.

مادامکه چتالجه محاربه‌سند طالع حرب بزه توجه ایتشدور، مادامکه ضایع اولنه‌جق بر حیثیت واریسه اضاعه اولمشدور، مادامکه بزه صوک ضربه‌نک اورولماسی ایچون‌ده قرار ویرلشدور، مادامکه آوروپا اعظم‌رجالی حق و حقیقتی بر طرف ایده‌رک بوتون موجودیتلریله هر شیئی فدا ایده‌رک بزم وجودمزی کره ارضدن قالدیرمقدن باشقه برسیاست تعقیب ایده‌میورلر، مادامکه بوکون بزه مظاهرتلری کندی منافع سیاسی‌لرندن بلکه کندیلری ایچون حیات مسئله‌سی اولدینی هر نوع شهیدن عاری اولان دولت لر بیلر بزم فلاکت‌مز اوغورنده کندی حیاتلرینی ته‌لکه‌لره القا ایده‌رک وهر منفعتلرندن واز کچرک سکوتی اختیار ایتشدور، مادامکه عموم خرسیتان دولتلری بالاتفاق بو غایه‌یه قدم‌نهاد اولمشدور؛ آرتق بزم ایچون بوندن صوکره الله‌دن وکندمزدن بشقه بر ظهیر تصور اولنه‌مز.

بوکون آوروپا غزته‌لری، رسمی و غیر رسمی عصرلردنبری کیزله‌مکده اولدقلری عداوتلرینی تمایله میدان آتدیلر، هیچ صیقل‌مایه‌رق سویله‌جک‌لرینک هپسینی سویله‌دیور. ده‌ها دوغریسی بز متذللا نه بوزولجک آنلر کوکله قدر صجرادیلر: صلیب‌لری نامنه سویله‌دیور، مریم‌لری نامنه سویله‌دیور، عیسی‌لری نامنه سویله‌دیور؛ علناً و جهرآده سویله‌دیور، کیزلی و لاستیقلی اوله‌رق‌ده سویله‌دیور؛ بیوکی‌ده سویله‌دی، کوچوکی‌ده سویله‌دی؛ دیپلوماتی‌ده سویله‌دی، شاعری‌ده سویله‌دی؛ خواجه‌سی‌ده سویله‌دی، شاکردی‌ده سویله‌دی...

آرتق ایش بورالره واردقندن صوکره هیچ شبهه اولنه‌مز که، نتیجه‌ده نه یاپه‌جقلرینی دخی قرارلشدیرمشلردور. ویاپه‌جقلرینک نمونه‌لری‌ده میدانده‌در: استرومجه، مدلی، سالنیک، دده آغاچ

هر آنگذردن تأسف و تأثر له آه و فغان ایشیدلکده و دولت و ملت یاردم و معاونت ایچون بر حسن و سائق طبیعی حاصل اولمقده در .

مثلاً کربلا ده ، حضرت حسین رضی اه عنه حضرتلرینک صحن شریفنده بوندن اقدام تشکیل ایدن بر اجتماعده بیکارجه علما ، سادات کرام ، اشراف محلیه ، اهالی و بالجله تجار و اصناف طویلانهرق متعدد کیمسه لر طرفندن ایراد اولنان حماسی ، مؤثر ، حسی نطقلر قرائت و ایراد اولندقدن صکره امامی قارده شلمزک اک محترم و نفوذلی علمالری امضالریله بالجله شیعیلر آغزندن عتبه هایونه بر تلغراف بیکیلرک بوتون مسلمانلرک حرب و جهاده مهیا بولندقلری عرض و بیان اولمشدر .

تلغرافک جوانی کمال انتظار ایله بکادکلی صیرالرده صدراعظم پاشا حضرتلری طرفندن حکومت عثمانیه نك تشکرات صمیمه سنک علمای مشار الیمه عرض و تقدیمی ضمننده کربلا متصرفی رشید پاشایه طوغریدن طوغری به کوندریلان تلغراف اهلینک حسیات دیندارانه و حیثیورانه لرینی بر درجه به قدر تسکینه سبب اولمشدر .

بناء علیه تبلیغات مذکوره عقینده مادی اعانات جمعنه حکومت طرفندن تشبث اولمش و بلدی داتره سننده متصرفک ریاستی تحتنده تشکیل ایدن قومیسونه کمال خواهشله اهالی محلیه اعانه تقدیمه باشلامشدر .

بو آنه قدر بغداد و ملحقه اتنده طویلانان اعاناتک مقداری بویوک بر یکون تشکیل ایشدر .

بو قدرله اکتفا ایتیه رک ، وسیله دوشدکجه ، زیارت کونلری اثناسنده و هر جماعت نمازی عقینده دین و دولتک تعالیسیله ارسلان عسکرلرمزک مظفریت و موفقیتلری ایچون مجتهدین کرام و علمای اعلام طرفندن خیر دعالر ایدلکده و بو صورتله عواطف و حسیات اسلامی لرینی علناً بیان بویورمقدن کری قالماقده درلر .

بغداد ، کاظمیه ، کربلا ده بویکی دعالر اولندیغی مثللو نجفده ده بویوله دعا و نطقلر حضرت علی کرم اه وجهه افندمزک صحن شریفلرنده ایراد اولمشدر .

از جمله نجفده کی احرار ابرانیه طرفندن شور برایکی سنه اقدام تأسیس اولنان (علوی) و (مرتضوی) مکتبلری طلبه سی صورت مخصوصه ده و هری برکونده صحنه کلرک غایت فصیح و بلیغ دعالر ، نشیده لر ، نطقلر مذکور طلبه طرفندن قرائت ایدلش و حضاری غریق تلفف و تأثر ایشدر .

هله کربلا ده ، بایرام کوننده ایفای تبریکات ایچون حکومت قوناغنه کان ایرانیلرک تأسیس کردلری اولان (حسینی) مکتبی طلبه سنندن بری طرفندن ایراد اولنان نطق ، اوقدر حضاره تأثیر ایشیدی که ، هونکور هونکور اغلامشدی .

بایرامک دردنجی کونی متصرف لوا نزاکه مکتب مذکوره کیدرک مکتب هیئت مؤسسه و تعلیمیه سیله طلبه به اعاده زیارت ایلش و کندیلرینه بیان تشکر ایشدر .

کچن سنه روسلرک محرم آبی اثناسنده ایرانک اک برنجی ایالاتندن معدود اولان آذربایجانک مقرر حکومتی اولان (تبریز) شهرنده کندی خونخوار و وحشی قازاقلری واسطه سیله اجرا ایتدکاری وحشت و مظالم اوزرینه بالجله شیعیلرک متلیدی بولنان آیه اه محمد کاظم الحراسانی حضرتلری ، ایرانیلری جهاده دعوت ایتک ایچون ایرانیه متبیه عزیمت بولندقلری صیره ده ناکهانی بر صورتده اشجو دنیای فانی ترکیه دار عقبایه متأثراً رحلت بویورملرینه سببیت ویرلدیکی کبی ، بوسنه دخی بالقان حکومتلرینک دولت علیه قارشو اتحاد ایلدکاری وضعیت انتقامجویانه اوزرینه نجف مجتهدین کرامندن آیه اه شیخ عبده المازندرانی حضرتلری بردن بره راحتسزلهرق ، سلائییک سقوطلی خبری نشر ایدلسی عقینده تأثرلرندن ترک جامه حیات مستعار ایدرک سرای جاودانی یولی تعقیب بویورمشدر .

کرک مرحوم محمد کاظم الحراسانی و کرک شیخ عبدالله المازندرانی حضراتی دائماً عثمانلی و ایران مشروطیتی لهنده اجاله قلم ، سرد مقال ، حصر وجود

و بذل نفس ایتکله بو آنه قدر کسب اشتها و ادراک مشوبات ایله کلری هرکسک تحت تصدیقنده در . انتباه اسلام ایله جمع کله توحید اوغورنده بو ذوات کرامک مساعی حسنه لری شایان تشکر و امتناندر .

[استطراد - سلائییک سقوط ایتدیکی خبری کربلایه منعکس اولدیغی کونده ایران تجار و احرارندن (حاجی آقا مهدی) نامنده برغیور و حجتلی ، دیندار مسلمان کندی قوناغنه کیمش و آغلايه آغلايه ترک حیات ایشدر .] حاصلی دولت علیه و طولایسیله اسلامیتک حال حاضرده دوچار اولدیغی اضطراباتندن بالجله خطه عراقیه اهالیسیله شیعیلری تعریف و توصیف قبول ایتیه جک درجه ده متأثر بولمقده در .

بو کونلرده ایسه زیارت کونلری اولدیغندن کربلا و نجف قصبه لری اطراف و اکناقدن زیارت ایچون ورود ایدن زوار ایله طولودر . بو سنه یالکز ایرانندن سکسان بیک آدم بورالره کلشدر . سائر زوارله برابر جهات مختلفه دن کلنلرک عددی یوز بیکی متجاوزدر . خانه لر ، اولر ، خانلر ، چارشو و بازارلر ، سوقاقلر لبالب طولودر . هر جماعت نمازی عقینده عساکر عثمانیه نك نصرت و ظفریاب اولملرینه بیکارجه خلق و زوار طرفندن خیر دعالر ایدیورلر . هرکسک اعماق قلبنده معنوی و اضطرابی برکدر وارددر . کیمسه نك یوزی کولیور . تأثر ، تحسر ، حزن و کدر جمله مسلمانلری آغیر برکابوس آلتنده از مکده در .

بونکلر برابر آسایش حکمفرمادر . والی ولایت کلدی ، فرمانی اوقوندی . فرمان عقینده تحریرات مدیری والینک نطقی ده اوقودی . هرکس یکی تعیین اولنوب بغداده - اولدجه - صلاحیتله مواصلت ایدن والینک اجرا آتته انتظار ایدیور . ایرانندن بر جوق جنازه لر دخی بورالره کتیریلرک بر جوق دفینه پاره سی کندیلرندن استحصال اولمشدر . بوسنه ، صولرک فقدانندن زراعت کرکی کبی حاصل اولدیغندن آز جوق قیتق وارددر . هرشی بهالیدر .

خطه عراقیه قبائلی ده ویرکولرک آغیر لغیه کندیلرندن ایستیلان بقایادن حکومت قارشو ناخشود بروضیتده بولنیورلر . حتی حکومت قارشو متحداً طاوواغنه اتحاد بیله ایشدر .

بعض اراضی مسائلی اوزرینه (آل شیلی) قبیله سیله (بنزرغ) قبیله سی بیننده بویوک خونریزانه برمصادمه و قوعبولش و طرفیندن بر جوق مقتول و مجروح دوشمشدر .

بغداد والینک بصره به ناکهانی بر صورتده حرکت مهیا بولندیغی شایعه سی بو کون نجفده دوران ایدیور . بصره ده آسایشک مفقود برحاله بولندیغی هرکس سویور . برقچ انکایز حرب کیلرینکده بصره کورفرینه کادیکی سویولمکده در . بوشایعه لرک نه درجه به قدر موثوق اولدیغی بر درلو کسیدریله مامکده و فقط هر حالده تواتردن عبارت بولندیغی مسلم بولمقده در .
نجف مخابر مخصوصکن

س. م. توفیق

مَطْبُوعَات

مدنی ناموس سزلق

عثمانلی مرخصلری ، اوروپاچه بالقانلر حربی ابتداسنده اورته به چیقاریله رق هر حال و کارده استاتوقونک محافظه ایدیه جکنی محتوی بولونان دستور و قراره استناداً ، اگر بز بالقانلیرک اراضیسنی استیلا ایتسه ایدک ، نتیجه ده بزم اراضی مستولیه یی اشغال ایتکلکمز به بالطبع مساعدده اولونمیه جغنی و بناء علیه شیمدی دخی آوروپانک مقتضای شرفی بو دستور دن ممکن مرتبه آز آیرلمقده بولوندیغی بیان ایتمه لرینه